

mittantur officialibus Leuantis secundum usum. De parte alij—de non 3—non
sinceri o.

9

13

Ἀναγγελία ἐκλογῆς τοῦ γενικοῦ καπετάνου θαλάσσης Μάρκου Ἰουστινιάνη. Διατάσσονται αἱ ἀρχαὶ
τῆς Κρήτης νὰ ἐξοπλίσωσι τὰ κάτεργα. Ἀκολουθοῦσιν αἱ ὁδηγαί διὰ τὸν ἐξοπλισμὸν τῶν κατέρ-
γων τούτων. Ἀποστέλλονται πρὸς τὸν σκοπὸν τοῦτον δουκάτα 5.000, τὰ δὲ ἀναγκαιοῦντα ἐπὶ πλέον
θὰ προμηθευθῶσιν ἐν Κρήτῃ. Ἰανουαρίου 29.

F^o 79^r

Millesimo trecentesimo LXXV, die XXVIII Januarij.

1

Capta. Duche et consiliarijs Crete. Significamus uobis quod per nos et nostra
consilia Minus, Rogatorum, Quadraginta et Zonte captum et ordinatum est quod
in bona gratia fiat capitaneus generalis Maris qui ellectus est uir nobilis Marcus
Justinianus, et quod armentur decem galee, uidelicet sex hic in Venecijs et qua-
tuor in Creta cum soldis, modis, ordinibus et condicionibus solitis. Uerum sicut
supracomiti soliti erant habere ducatos uiginti in mense pro quolibet, ita quod
hoc anno solum habeant ducatos triginta. Et quia nostre intencionis est quod
dicte galee subito armentur et exeant pro adimplendo nostram intencionem, deli-
berauimus mittere dehinc in Cretam presentem galeotam armatam de zurma que
uenit cum galea Staneria Venetias. Et quod ipsa galea et tres ex alijs galeis exi-
stentibus deinde sint deputate pro dictis quatuor galeis armandis ibidem, quare
cum uiri nobiles Donatus Ualaresso, Leonardus Donato, Johannes Miani et Gra-
tonus Dandulo supracomiti ellecti pro dictis quatuor galeis personaliter accedant
Candidam cum galea presenti pro solicitando armamentum et expeditionem sua-
rum galearum; scribimus et mandamus uobis cum dictis nostris consilijs quate-
nus tres ex galeis subtilibus que sunt deinde, uidelicet, meliores subito aptari
preparari et fulciri faciatis omnibus necessarijs et opportunis ac bene et suffi-
cienter armari et expediri omni dilacione et causa remota facientes ipsas quatuor
galeas uel quam plures ex ipsis poteritis exire quam cicius et uelocius esse potest
et subsequenter alias uel aliam que restabunt et uenire Mothonum ad inuenien-
dum et expectandum capitaneum suum predictum, cui debeant in omnibus fide-
liter obedire secundum formam suarum commissionum et mandatorum nostrorum.
Pro armamento autem dictarum galearum mittimus uobis ducatos quinque mille,
prout in alijs nostris litteris presentibus alligatis uidebitis contineri. Residuum
autem pecunie uobis necessarie pro predictis recuperetis deinde inde per omnem
modum et uiam qua poteritis, ita quod hec nostra intencio penitus adimpleatur
prout de solitudine et prouidencia uestra plene speramus. Rescribentes nobis
quicquid feceritis in premissis.

De parte alij.—De non 1—non sinceri 1.

30

